

Nuorttanaste

»Gæca dam Ibmel labba,
gutte mailme suddo guoddá!»

»Son dagai rafhe su ruosa
varai bokte.«

No. 24.

7id jakkegærdde.

»Nuorttanaste« maksa ovtá kruvna jakkoda-
gast, blaðde dinggujuvnu juokke poasta-
rappe lutte.

30ad December 1905.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

„Nuorttanaste“ lokkidi.

Dat nummar læ dal dat manemus »Nuorttanaste« 7id jakkegærdest. 7 jage læ min ucca blaðas oappalad-dam Sameædnam vuodnaægaid, legid ja duodarçoroid. Ja min jakko læ, atte aibas duššas i læk dat barggo læmas, mi blaðe ala læ bigjum. Vaiko vel læge nuft, atte blaðe sistdoallo i læk læmas buokai miela mielde, læ mist alnake dat jakko — ja mi læp maidai dam boattam fuobmat — atte duogo dago gavdnujek soames, gæidi blaðde læ læmas buristsivdnadussan. Ædnagak gavdnujek Sameædnam boaito loavkoin, guðek æi mate darogiela lokkat, ja damditi æi mate oažžot mange šlai dieðo mastege. Man dat dalle læ buorre, atte min rikast gavdnujek daggar blaðek, mak dieðo ja bajasçuvvgitusa viddedek daggar sami gaski sikke vuoinalažat ja rumašlažat. Maidai dam jagege læ »Nuorttanaste« gæççalam ouddandoallat lokkidasas sikke vuoinalaš ja rumašlaš darbašvuoda. Agalašvuoda iðet galgga okti çajetet, lægo dast mikkege avkid læmas.

Maidai boatte jage,

jos Ibmel ællem ja dærvasvuoda ad-da, boatta »Nuorttanaste« nuftgo oud-dal guovte gærde manost, ja sistdoallo šadda, nuftgo dam ragjai: Vuost væhaš vuoinalaš aši birra ja dasto væhaš mastge. Buokaidi, guðek læk dam jagege barggam blaðe videdet ja bittaid çallam blaðai, saddep mi daggo bokte ædnag gitosa. Ja mist læ dat savaldak ja dat doavvo, atte si ain barggek blaðe bællai nuft burist, go si sattek.

Buore ja buristsivdneduvvum oð-

ðajage Hærra siste savvap mi buok
»Nuorttanaste« lokkidi ja ustebidi.

Son algi vuogjot.

(Lasse oudeb nummari).

Tomas nagge dai æra mattajeg-ji vuostai, ige loga ječas aiggot oskot, atte Jesus læ bajasçuožželam. Son i læk galle Jesusa vajaldattam; mutto atte Jesus læi Ibmel ja læi bajasçuožželam, dam i nagadam Tomas jakket. Tomas læi moesta sin lagan, guðek min beivvi goççujuvujek jærgajakkolažžan (rationalister). Mutto gæca, moft Jesus jurdaša Tomas ala, ovtá ala daina guokte nub'lokkasin, go son læi vuogjomen æppeosko sisa. Jesus i çelkkam nuftgo nuft mangan ærasa vissa lifçi çelkkam: »Jos son i nagad oskot de diktus orrot.« I Jesus dam lakkai jurdašam, i fal. Jesus almostatti ječas maidai Tomasi ja celki sudnji: »Geigge suormad deiki ja gæçad mu giedaid, ja geigge giedad deiki ja naket dam mu ertteg sisa, ja ale læge æppeoskolaš, mutto oskolaš.« Mon jakam, atte migjidi læ vaddes arvvedet, mi dam siste læ. Jurdaš siello, Jesus goçço su sarjides guoskaldattet, navlleraigid su giedain ja mærkaid su sidost guoskaldattet. »Guldal daid Tomas,« çelkka Jesus, »allege šat gukkeb læt æppeoskolaš.« Maksus maid maksa, Jesus i siðasi ovtage masset. Jesusa sanek legje maidai nuft famolažak, atte Tomas çelkka: »Mu Hærraçam ja mu Ibmelam.« Dal oaidna son Ibmela Jesus siste. I oaidne son dal gukkeb šat Jesusest dušše ovtá martyra daihe ovtá ouddagova, mutto Ibmelal — Vuoi dadde, man ædnagak læk, guðek læk læmas duodalaš Jesusa mattajægjek, mutto læk vugjum æppa-

dussi. Jos dam blaðe lokkin læk oktage daggar, de çuorvom mon dudnji: »Jos don oktige ærai ik osko, de osko Tomasi. Son læ læmas okta æppedægje; mutto Jesus rakisti su, ja dal halida Tomas çuorvvot: **Mu Hærraçam ja mu Ibmelam.**« Ædnagak gavdnujek, guðek læk læmas garraset gæççaluvvum aido dam ašest ja goasse juo læk aibas vugjum ja er Hærrast gaiddam. Jos duina læ dalakai, de çuorvo Hærrast çielgasvuoda, ja son galgga du væketet. Mon læm jurdašam, atte i oktage Jesusa mattajegjin sardnodam çembo æppedægje sieloiguim, go Tomas. Vissa son gæççali çuorvvot sigjidi, guðek legje vuogjomen æppeosko sisa: »Mon læm ješ læmas æppedægje, mon læm biettalam oskomet, mutto dal oskom mon.« Ustebam, jos don, gutte okti legjek çuožžomen osko nana vuodo alde, dal dovdak, atte dat vuoddo doargesta du vuolde, de çuorvo Hærrast væke, ja son galgga geiggit su giedast ja gæsset du bajas. Okta sardnedægje, gœina mon legjim ovtast jage dast ouddal, læi joavddam dam sæmma gæççalussi go Tomas. Nuft gukkas manai suina, atte son ganjalçalmin celki, atte son fertte hættet sardnedæmest. Mon çelkkim sudnji: »Çuorvo Ibmelest væke, ja Hærra galgga du væketet.« Moai rok-kadalaime manga have ovtast, mutto son bisoi sæmma sielo dilest. Muttom ija go son læi Hærrai çuorvvomen ja jærramen sust: »Lægo vegjolaš dam æppadusa dilest erit bæssat?« ja go son mannel ravasti bibala, gavnai son daid sanid: »**Son, gutte addi ješječas lonastus makson buokai oudast, duodaštussan su aigidasas.**« (1 Tim. 2, 6.) Dalle celki son allaget, nuft atte mon gullim dam nub-

be ladnji: »**Mu Herračam ja mu Ibmelam!**« Äppadus læi gaiddam. Son læi vissesmættomvuodast læmas Jesus birra, erinoamašet vaivedi dat gačaldak su: »Læigo Jesus okta soa-
vatægje bæste?«

Mon læm dal namatam ovta dinga, man bokte oskolaš matta vuogjogoattet, ja mon im valde bagjelasam bajasrekenastet buok vegjolasvuodaid, dušše moadde aše vel namatam.

Dayja læp mi oaidnam, moft muttomak daina, guđek muttom aige Hærrain læk vagjolam, fasten læk šaddam mailmalažžan. Sin vaibmo ja luonddo giddanešgoatta bære ollo dam mailme dingaidi, ja si læk šaddam gessujuvvut vuolas guvllui. Dat buok bahamus læ, atte ædnagak læk vugjun alma čuorvotaga Hærrast væke. Peter birra čuožžo čallujuvvum, atte go son algi vuogjot, čuorvoi son. Go olmuš dovda ječas vuogjomen, dalle læ riftes aigge čuorvvot Hærrast væke.

Nubbe Tim. girjest 4, 10 sardnujuvvu ovta olbma birra, gutte læi læmas Paulusa sæskapest, go son læi jottemen ja evangelium sardnedæme. Su namma læi Demas. — Mutto Paulus cælkka su birra: »Demas læ guođdam mu, dainago son dam mailme ani rakisen.« Son læi alggam nuft smavaset vuogjot; mutto dam sagjai go son lifči galggam algget čuorvvot Hærrast væke, difti son ječas vugjot ain čiegnalæbbuidi, dassačigo Paulus muttom bæive fertti čallet: »Demas læ guođdam mu!« Ustebam, don gutte alelassi, go sardnedægje namata daggar dingaid, cælkak: »Man son læ garas, man son garra giedaiguim gæččala mu vuottet bællasis.« Mon savani, atte dat celkkujuvvuši dudnji riftes vuoinast, nuft atte don matašik oaidnet, atte rakisuotta dam ouddanbukta. Ibmela hallo læ dudnji dam muittotet; dastgo dam aigom mon čuožžotet: Vaiko man ædnag don vuottašik dam mailmest, vaiko maggar fina ja stuora særve don ain matašik aldsesad skappot, jos don vuojok Jesusa ja oskolažai særvvevuodast erit, de galgak don okti gavdnat, atte don læk mađohæmek tapim.

Damditi, ustebam, maksus maid datto, mutto jos don merkkit odne, atte mailmalašvuotta læ du gæssemæn vuolas guvllui, de čuorvo Hærrai, ja

son galgga du væketet.

Oanekaš aige dast ouddat dappatuvai muttom čoaggalmasast, atte okta fidno-olmai, gutte oini ječas vuogjomen, čuorvoi allaget: »Hærra gajo mu, don oaidnak, atte mon vuojom mu fidnoidam sisa. Hærra væket mu!« Jakakgo don, atte Jesus mati dam olbma oaidnet vuogjomen alma væketaga, alma geigetaga su giedas sudnji? Ustebam, Jesusa hale-
dus læ du væketet; dastgo son du rakista. Son oaidna, atte don læk ila buorre mailbma vuogjot, don læk ila divrraset ostujuvvum. Damditi čuorvo Hærra namast, atte son du galgga mailmalašvuodast gagjot.

»**Go son algi vuogjot**« — Gost læk don odne? Læggo don vuogjoma lakka. Vare i goassege mataši celkkujuvut mu ja du birra: Son algi vuogjot. Addus Ibmel su rakisuodast ja armos diti dam.

Lasetuvvu.

|| Gukken ja lakka. ||

Likkotesvuodak mæra alde

læk juo alggam gullut manga baiken. Dat čakča læge læmas hui garradalkai.

Sørvaagenest Lofotast duššaiga gieskad 2 olbma. Nubbes dam guovtost læi akka ja okta manna. Soai læiga suvdemen fielloid. Muttom garradalkke-bæive mannel dušše fast 7 olbma — guokte vanaslaga. 4 daina olbmain legje Lodingast ja 3 Flakstadast, Lofotast. Manga læska ja oarbes mana bace dam likkotesvuoda gæčel. Muttom danska olbmak čogge Kjøbenhavnast kr. 110,00, mak jukkujuvvujegje daidi læskaidi.

Okta Bergendamppa

læ duššam Middelappai, dam dampa namma læi »Albula.« 16 olbma dušše, dušše okta matrosso gagjujuvvui, ja son muittala, atte dak hirbmos sigadak gomitegje dampa.

»Kong Halfdan«

læ maidai lassa ala mannam ja vugjum viđa sala čaccai. Olbmuk ja poasta gagjujuvujegje.

Okta ruotalaš damppa

»Norrlanđ« læ maidai lassa ala mannam Moldøravnjist. Dat læi lastejuv-

vum koalaiguim. Dampa vuoddo læ raigganam, ja dat læ dievva čacest.

Mutto dat buok hirbmadæmus likkotesvuotta læ, atte

Okta stuora damppa,

mi mailme stuoremus abi rasta læ mannam, galgga læt duššam Middelappai 754 olbmui. Dam dampa namma læi »Sicilian Prince.« Dam 5ad december vulgi dat Palermost Newyorki 754 olbmui ja i læk vela boatam Giberaltari. Olbmuk ballek, atte dat damppa læ duššam garradalkest Middelappai.

Buollen

stuora olmuštapain Chicagost.

Okta mađohas stuora gavppgarddem Chicagost læ buollam. Dam garddem siste legje 600 olbmu — maina 500 legje nissonak. — Duššas gæččalegje dak olbmuk uvsai čađa olgusboattet. Dam stuora suorgganæme siste njuikku muttomak glasaraigi olgus ja daggo bokte sorbmašuvve.

Kinast moivve.

Shanghaiast telegraferijuvvu, atte kinesalažak dam gavpugest læk moive rakadam. Europealažak gæđgaduuvujuk dam vuolemuš olmuš gærdest.

Juovllarutta Amerikast Norgi.

370,000 kruvna læk saddijuvvum amerikanalaš-dačain Norgi Kristiania čađa oappasidi ja sogalažaidi juovlladdaldakkan.

Addaldak min dronnegi

engelas nissonin.

Allanalak nissonak Engelandast læk čoaggam ruđai castem varast ovta addaldaga min dronnegi, ja dat addaldak galgga læt okta møblemanga (bævdde, stuolok j. n. v.) dronnega orromladnji Kristiania sloatast.

Min gonagas

læi muttom bæive vazzemen ovta gata mielde Kristianiast. Okta basgandaš hæjos biktasi siste boatta su oudald ja buorastatta hui čabbat gonagasa. »Dovdakgo don mu?« jærra gonagas. »Dovdam galle,« vasteda nubbe. »Mon oidnim du dam bæive go don bottek deiki.« Gonagas dasto jærrali gandast: »Dieđakgo don, lægo oktage skræddar daggo lakkasin?« »Læ gal,« vastedi gandda, ja de doalvoi son gonagasa lagamuš skræddara barggovistai, ja dobbe osti gonagas

sudnji ođđa biktasid. Diettalassi šad-
dai gandda illoi.

Næggehätte Japanest.

Tokiost muittaluvvu, atte arvo
mielde 3 million olbmu Japan dave-
mus gæcest gillajek nælgehæde. Jos
vække i boade jottelet, de šaddek
æmbo olbmuk sorbmašuvvak nælge
gæcel go dam maŋemus soadest. Rađ-
đetus gæcēla dakkat buok, mi su fa-
most læ dam hædest væketet.

Dat engelas dronneg boatta Norgi.

Gaskarajest april mano boatta
dat engelas dronneg ja prinsessa Vic-
torja Kristianiai.

Væhaš Guovddagæinost.

Dam čavča dpatuvai dam 3ad
bæive oktober manost, atte Macest læiga
2 barne mannam Ruogojavre jienja a-
la. Okta daina gandain læi 17 jage
boares ja nubbe fast 8 jage. Dat
boarresæmus læi ovta bonde-olbma
rængga ja nubbe fast su aidno bard-
ne, gæn namma læi Johan. Rænga
namma læi Nilas. Dat rænggagand-
da čuolai jiegnabittaid Johani, gutte
daid bittaid bijai čibides vuollai, val-
di nibbe gitti ja nuft vulgi luoitte
jienja mielde favllai; ja ouddal go Ni-
las oažo garvesen aldsis jiegnabittaid,
læi Johan juo ollen 20 metar arvo
favllai, ja son bođi rasis jienja ala ja
vuogjugodi. Vuoras olbmuk æi diet-
tam, ouddalgo nubbe bođi viega stop-
poi ja dajai: »Johan dogjoi Ruogo-
javrrai.«

Stuora suorgganemin jærrali ma-
na ačēe ja su husmanne, mi dast læi,
go javrrai čalgai gandda. Mana ačēe
ja husmanne viegaiga borga ja sævd-
njada čada dam baikkai, gosa Nilas
čajeti; mutto vuorradusast soai čuož-
žoiga javrregaddest ja čuorvoiga »Ni-
las, gost don læk? Boade fargal Gost
læ manna?« Go Nilas bođi viegai
son mæddel monno ja njuolgga jienja
ala, son dušše bakkodi: »I oidnu šat
barnas, daida læt aibas vugjum.«
Moai æska de suorgganæime hirbma-
det, go moai fuomašæime, atte bar-
naš læi nuft gukken favlest, ja moai
čuorvoime: »Hærra Jesus væket min
vaivanid!« Ja mi gomas manaimek
dasto jienja ala nuft gukkas go orroi
isa gierddamen. Ised dajai: »Nilas
boade! mon čanam du baddai.« Ja
mon mannim dokko ovta assoholga

mielde, maid mon gočēom Nilasa aald-
det gitti, ja nuft manai son badde-
gæcest suddai ja vuogjali ja doppi
Johana oalggai gidda, ja moai rotti-
me sodno, ja Ibmela væke bokte lik-
kostuvai dat monnoidi sodno gaddai
oažžot. Mutto Johannesas i dovd-
dom hægga i væhašge, ja sagga læi
ballo, atte i boade hægga šat sudnji
Mutto mu husman vuoras læi lokkam
almanakest dam birra, moft galgga
hæga bivddet daggai, mi čacehædest
læ læmaš, ja son mui burist, maid
son læi lokkam. Moai algime bivd-
det hæga, nuft buoremusad go moai
ibmerdeime ja rokkadalaimo Ibmel
ačest væke, nuft go moai leime oap-
pam skuvlast dam boares lukkar Mor-
tenest. Dam bæive læi hui buolaš ja
Nilas viegai dalost viežžamen gav-
nid, ja dam bodda dovdogodi ma-
nast hægga dammađe atte vuoiŋai ja
skarki. Mutto juokke lađas læi nuft
sterddom, atte vaddeš oroi hæga bir-
getet. 3 dimo mi bargaimek ouddal
go manahuš algi čierrot, ja ovta di-
mo vel dam rajest ouddal go algi Jo-
han sardnot. Biktasid ferttimek mi
sust eritluddet. Ganda vuostas sad-
ne læi: »Mon læm čacest ja læ nuft
čoaškes« Olmuš matta arvedet mag-
gar igja dam bærrašest læi.

Klemet Johansen Maci.

Proavast Simonsen ja gonagas Oscar.

Avisak oidnujek moaittemen sag-
garak proavast O. Simonsen Ham-
merfestast, damditi go son makkaš
galgga læt 7id december ibmelbalvva-
lusast Hammerfest girkost bæloštam
min oudiš gonagasa, boares Oscara.
Muttomak orruk vel arvvaladdamen,
atte son berreši virgest erit bigjut
damditi.

Dam blađe čalle læi dam bæive
Hammerfest girkost, ja mu mielast i
orrom proavasa sardnes mikkege mi
boastot læi. Su sarnest loappaosast
celki son moadde sane galle gonagas
Oscar birra, ja dađemielde go mon
dal muittam legje dak sanek dagga-
rak: »Mi berrep maidai min rokka-
dusaidæmek siste muitep dam boares
gonagasa, gutte dal moraš vaimoin ja
vissa maid ganjalčalme čokka. Mai-
dai son arvvala, atte su viggatus læ
læmaš darolaš albmuga buorrai; mut-
to go i læk šaddam dam mærrai go
dat almug læ savvam, de læžžaso

dat dadde su sivva.» Dam laganak
legje mu muitost proavasa sanek, Ja
mon im mate arvvedet mi boastovu-
daid dat læ, jos vel Norga almug
rokkadusaides siste muittašige boares
Oscara. Alma mi mannavuoda rajest
juo læp oappam, atte mi galggap
rokkadallat buok olbmui oudast, vela
min vašalažaidæmek oudastge. Orro
mu mielast, atte politika olbmak ja
politikalaš blađek ila gukkas mannek
sin moaittemæsek siste.

Buorre bivddo Finmarkost.

Gamvikast, Bæralvagest ja muttom
æra vœrain bivdujuvvu dal burist
giettavađoin, de læ juo dego gidđa-
bivddo; mutto bæivek læk oane ja
dalkek æi læk buore galle bæive;
mutto almaken bottek njælljedak gad-
dai 5—600 kiloin, ja okta skoita, mi
læi 2 jandur mæra alde buvti moad-
de duhat kilo gaddai, ja dat matta
læt buorre bivddo dam aigest jagest.
Vargai avisak muittalek, atte maidai
olgobæld Vargaid læ guolle; mutto æi
læk gallasin stuora vadnasak mæra
alde.

Golma mana dæsse isa alde

Arendala gavpug lakka. Isa læi raš-
še, nuft atte manak čalge čada. Okta
læi 12 jage boares, nubbe 10 ja goal-
mad 8 jakkasaš.

Væhaš mišsona birra Koreast.

Dam ollo bæggotuvvum ædnamest
Koreast læ mišson burist ouddanam
daina maŋeb aigin. 20 jage læk dam
rajest go dat presbyterianalaš girkkko
algi Kristus evangelium dam ædna-
mest viddedet. Ja dal gavdnujek
dobbe 300 uceeb ja stuoreb særvve-
goddek, maina læk 16,233 altarguos-
se, 11,000 oapatusmanak ja bagjel
40,000 mieldečuovvok. Vaiko dam
maŋemus stuora soade aige læk læ-
maš stuora mašotesvuodak ja gilla-
mušak mietta Koreaædnama, almaken
læk dam guokte maŋemus jage 2,400
persovna bigjujuvvum særvvegoddai.
Ibmela sane maŋpai læ halle lassan-
nam ollo. 484 olles bibala, 9196 ođ-
đa testamenta ja 66,000 uceeb bibal-
oase læk dam maŋemus 2 jage vuvd-
dujuvvum.

Egyptenest,

dam boares bibala ja historja ædna-
mest, gost arvo mielde gavdnujek 10
million olbmu, bargga maidai presby-

terianalaš girikko 40 europealaš mišsonærain ja 36 dobbe rieggadam sarnedegjin. 170 skuvlain oapatuvvujek 15,000 manak, maina 300 gullek muhamedanalaš vanhemiidi.

Statsminister Michelsen

læ skenkkim 10,000 kruvna hærvatam diti Haakon hala.

Dat likkotes Ruošaenam

Moskvast, Ruošaenam boares oaivvegavpugest læ dille hirbmos. 27. december telegraferijuvvui: atte gatai (balgai) alde læi doarrom ja stuora varragolgatus, man vuolde ædnag duhatak sorbmijuvvujegje. Muittaluvvu galle maidai, atte rađdetus-soaldatak læk vuoitam, ja atte moivve læ jaskudam; mutto dat i iæk jakkemest.

Rigast læk 128 franskalaš nissonak ravkkam dam tuiskalaš konsula sin varjalet; dastgo franskalažain i læk konsula ollem muddost. Dat franskalaš soatteskipa »Cassini« vurddujuvvu Rigai bærjadaga. Olgoædnam lažain i oro læme vela mikkege heđid. Mutto moivve i læk eisege vela orostam. Juokke bæive stevleđuvvujek 3 ja 4 dam gavpug assin. Moivvejægjek, dak raffhetes vnoinak dam dakkek. I læk buorre batarussige bæssat; dastgo moivvejægjek birastattek gavpuga juokke saje.

Maņeb telegrammak muittalek, atte ollaset soatte læ Moskva balgai alde, gidda 15,000 ragjai sorbmijuvvujek bæivest. I læk buorre diettet, goas maššo šadna Ruošaædnamest.

Dat »Nuorttanaste« nummar

læ dat maņemuš buokaidi, guđek æi læk ođđasist dinggom. Doaimak dal dinggot, amas du blađde orostet. Jos don siđak diettet ođđasid olggo- ja sistædnamest, de doala »Nuorttanaste«

Bævdderokkadus.

»Manne galgga olmuš rokkadalat ja gittet Ibmela borramuša oudast æmbo go æra dingai oudast?« jerrek muttomak. Gavdujek vel dakge, guđek celkkek, atte dat læ boares dappe, mi gal oažžo bacet dagataga. Læ galle nuft, atte juokke aige oskolažast læ rokkadusa aigge, ja juokke dinga oudast, maid son vuostaivaldda, gita son Ibmela, mutto almaken læ maidai nuftge, atte son muttom aigid erinoamašet vigatuvvu rokkadussi, dag-

gar aigek læk ouddamærka diti iđdest ja ækkedest ja dalle go son borrat algga. Dast mi oep sardno harjanæme birra, mutto dam gaibbadusa birra, mi juokke duotta kristalaža vaimost læ Ibmel gittet su addaldagai oudast.

Gædnegasvuoda dovddo Ibmela gittet borramuša oudast, gavdnu ænaš olmuššlajai lutte. Vela bakenlaš olmuššlajakge, gæina i læk dat dietto Ibmel birra go mist, dovdek dam viggatusa. Si dam eajetek manga lakai. Dast namatep mi muttomid.

Negeri navdaš su borramušaš ouddal go son læ oaffaruššam su ibmelidi.

India lažak suppijek dam vuostas bitta sin borramušašastæsek doli, si jakkek, atte sin ibmel buristsivdneda dam, maid si borrek.

Kinesalaš bigja borramušaš ouddalgo borragoatta su viessoaltares ala ja rokkadalla su ibmelidi.

Romalažak ja Grekalažak boares aigest æi goassege vajaldattam mallasi ouddal gittosoaffara ouddanbuktemest sin ibmelidi.

Maddagaskarsullo assek sogjalattek ječaidæsek eiegnalassi, go si euožželik bajas bævddest ja si buorastattek vuoinaid.

Muhamedanalažak celkkek, go si eokkanek bævdđai: »Dam armolaš Ibmela, buok armetægje nammi!«

Israelani bævdderokkadussan dam 118ad Daved salma. »Ramedeket Herra; dastgo son læ buorre, su arbmogasuotta hasta agalažat« j. n. v.

Ja mi, gæk kristalaš nama guoddep. Igo mist læk vela stuoreb ašše bajedet vaimoidæmek Herra guvllui buok su buorredagoi diti?

Davja læ maidai okta bævdderokkadus læmaš duodaštussan mailbmai, vel dallege go i læm æmbo go dušše rokkotuvvum gieđak ja vuolas sojatuvvum oaive jaskis rokkadussi ja gittalussi Herra i addaldagai oudast.

Ja davja læ maidai dpatuvvum, atte duotta kristalažat, guđek æi læk ouddal oaidnaladdam læk bævdderokkadusa bokte dovdoš šaddam. Dat læ dpatuvvam jernbanai ja dampai alde, hotellain ja ekserbaiken j. n. v. Si šadde oappas damditi go si æi hæpanaddam gieđaidæsek rokkotæmest rokkadussi, ouddal go si borragotte. Dam læp mi ječa guoratallam.

Lokke, ale hæpan goassege Ibmela gitemest.

»Buorre læ Herra gittet. Celkkek alelassi Ibmeli ja aččai gittosa buok dingai oudast min Hærramek Jesus nammi.«

Æi buokak.

»Lavvijekgo buokak din bælest bævdderokkus adnet ouddalgo borragottek?« jærrali okta nuorra, hærras olmai bilkkedemin muttom vuoras olbmast, gutte gieđaides roakkoti ouddalgo borragođi.

»Æi buokak,« vastedi nubbe.

»Mist læk muttom njælljejuolgadak navetest, gæk æi lavve bævdderokkadusa adnet.«

»Roakot donge, Hansen, gieđaidak, mi aiggop rokkadallat.«

Dat læi muttom njællje jakkasas gandaš, gutte dam celki. Su ačče ja ædne læiga gieskad dam audogassan dakke oskoi boattam, ja ačče lavvi jidnuset rokkadallat ouddal go borragođi. Muttom bæive bođi sin boares verte, Hansen, sin guossai, ja dat sæmma Hansen læi okta daina, gutte i lokkam ječas maidege jakket. Ačest i læm rokkadvuotta dam mađe, atte son dam bæive jidnuset rokkadalai. Mutto manna væketi su dam vuorradusast. Son gæai sin guose ala, ja go oini, atte son gieđaid i roakkotam, de celki son alla jienain: »Hansen, roakot dal donge gieđaidak; dastgo dal aiggop mi rokkadallat.«

Bagjel 10 million kruvna

læ dam jage saddijuvvum ruotalaš amerikanalažain Ruotariki. Dat læ million kruvna æmbo go mannan jage.

Bivddo

Vesteraala bivddobaiken læ burist alggam, erinoamašet Langnes ja Nyksund birrasin.

Mailme stuoremus hotella

læ dam jage garvvanam Newyorkast, Amerikast. Dam hirbmos stuora gardemest eai læk uccebo go 18 lovta (etage). Dam stucra hotella namma læ St. Regis.

»Nuorttanaste« čalle, prentejægje ja olgusadde læ G. F. Lund, Sigerfjord, Vesteraalen.